



4. december 2008

Inatsisartut Forretningsorden-iani § 36 mm. 1 tunngavigalugu Naalackersuisunut apeqquteqaatit makkua apeqquteqaatiginiarpakka:

Naalackersuisut inatsisilerituut atorlugit Qasigiannuani efterskolissamut atatillugu immikkut ittumik aningaasaliissuteqarnissamut qinnuteqaateqarnermut atatillugu Inatsisartunut paasissutissanik pingaarutilinnik tunniussassaraluanik tunniussinngitsoornermik misissuisitsinermut tunngatillugu Naalackersuisunut apeqquteqaatit.
(Inatsisartunut ilaasortaq Jens B. Frederiksen, Demokraatit)

Naalackersuisut qarasaasiani nittartakkaminni ilisimatisissutigisimavaat Naalackersuisut Qasigiannuani efterskolissamut atatillugu immikkut ittumik aningaasaliissuteqarnissamut qinnuteqaateqarnermut atatillugu Inatsisartunut paasissutissanik pingaarutilinnik tunniussassaraluanik tunniussinngitsoornermik misissuisitsineq immikkut ilisimasalimmik sulisoqarnikkut ingerlan-niarlugu, taannalu naliliisinniarlugu.

Inatsisileritooq matuminnga misissuisussatut toqqarneqartoq tassa professor Ole Spiermann, Naalackersuisullu taanna pillugu imatut allapput: ”*Naalackersuinikkut inatsisinut tunngasutigut taamatullu ingerlatsinikkut inissisimanermi inatsisinut tunngasutigut ilisimasaqarluartuunini annertuumik ataqqineqaatigaa*”.

Paasissutissutissanik pingaarutilinnik Inatsisartunut tunniussinngitsoorsimanerup kingunerisannik Inatsisartut inatsisaannik, tassa Naalackersuisunut ilaasortat akisussaaffeqarnerannik unioq-qutitsisoqarsimasinnaanera aalaavigalugu naalackersuisunut ilaasortat akisussaaffeqarnerannik immikkut ilisimasalimmik toqqaasimaneq pissusissamisoorsimasagalarpoq. Kisiannili naalackersuinikkut inatsisinut tunngasutigut taamatullu ingerlatsinikkut inissisimanermi inatsisinut tunngasutigut immikkut ilisimasalimmik toqqaasimaneq soorunami aamma ajunngilaq.

Kisiannili Naalackersuisut allassimaneratut ilumoornerluni Ole Spiermann, ”*Naalackersuinikkut inatsisinut tunngasutigut taamatullu ingerlatsinikkut inissisimanermi inatsisinut tunngasutigut ilisimasaqarluartuunini annertuumik ataqqineqaatigaa*”?

Uvanga ilisimavara Ole Spiermann inuit pisinnaatitaaffiisigut immikkut ilisimasaqartuusooq (professoriusooq) – kiisalu Naalackersuinikkut inatsisinut tunngasuni inuit pisinnaatitaaffeqarannut tunngasut ilaannut immikkut ilisimasaqartuusooq. Kiisalu paasitinneqarpunga pineqartoq nunat tamat akornanni niuvernikkut aqqiagiingissutinut tunngatillugu annertuumik ilisimasaqartoq.

Kisiannili ingerlatsinikkut inissisimanermi inatsisinut tunngasutigut immikkut ilisimasalittut inissisimanera uvannut nutaajuvoq.

Taamaattumillu Naalackersuisut qinnuvigissavakka apeqquteqaatit ukua pingasut akussuteqaateqarfigeqqullugit:



1. Naalackersuisut Ole Spiermann immikkut ilisimasalittut toqqartinnagu, taassuma sutigut immikkut ilisimasaqartuunera pillugit Naalackersuisut misissuiffigisimanerlugu?
2. Naalackersuisut aalajangiusimanerlugu Ole Spiermann-ip, ”Naalackersuinikkut inatsisinut tunngasutigut taamatullu ingerlatsinikkut inissisimanermi inatsisinut tunngasutigut ilisimasaqarlartuunini annertuumik ataqqineqaatigaa”?
3. Ole Spiermann-ip ingerlatsinikkut inissisimanermi inatsisinut tunngasutigut inatsiseqarnikkut ilisatusarnikkut sunik saqqummiussaqaarnikuuva?

Naalackersuisut qinnuivigineqassapput apeqquteqaatinnut tunngatillugu akissuteqaatit ullut sulliffiusut qulit qaangiutsinnagit akissuteqaqullugit.